

COFNODION O'R CYFARFOD A GYNHALIWDYD AR 6 MEHEFIN 2021

Yn bresennol:	Y Cadeirydd Hefin Jones
Y Cynghorwyr:	Keith O'Brien, Idwal Williams, Annest Smith, Elfed Jones, Cynghorydd Elfed Roberts
Hefyd yn bresennol:	Karen Hughes (Swyddog Ariannol), Eirian Humphreys (Clerc)
Ymddiheuriadau:	Annest Smith, A H Jones, R Davies

Nodyn – cywriad i gonodion 5ed Mai – adroddiad ariannol wedi ei nodi ddwy waith (2160 a 2163)**2167 – COFNODION**

Cyflwynwyd, cadarnhawyd a llofnodwyd y cofnodion fel rhai cywir gan y Cadeirydd yn amodol ar faterion yn codi o gofnodion y cyfarfod a gynhaliwyd ar 5 Mai 2021.

2168 – MATERION YN CODI O'R COFNODION

1401(3b) – Garej Lôn – mae olew ar hyd y ffordd, mae yn parcio ceir ar ben yr olew i drïo ei guddio ond yn ystod glaw mae yn arllwys i'r system ddwr. Cyfoeth naturiol am edrych arno. Does gan yr heddlu ddim hawliau i wneud dim ynglyn a cheir heb dreth ddim mwy. Y Cynghorydd Elfed Roberts wedi bod mewn cyswllt a PC Delyth Williams ac am ail-gysylltu a hi.

1774(4) Gardd Sylvia Crowe a Gardd y Ddraig – Neges gan PA Angaharad Rayner – wedi cael cyfarfod a Gerallt Williams. Mae y strwythr wedi dirywio ormod i'w symud o'i safle presennol – maent yn edrych i gael riwyn i ddylunio un newydd (ar eu cost nhw) ac adeiladu un newydd yn Bryn y Gofeb.

1842(2) a 1878(7) – Cyflymder a Goleuadau Stryd Bronaber – Ateb gan y Cynulliad (Tim Barnes) – bydd y Llywodraeth yn gwneud asesiad ar y A4212 a'r A470 ac hefyd am edrych mewn i wneud croesffordd dros ffordd yr A470 am Stesion. Dyddiad dechrau cynharaf fydd 2022.

1954 (1) Cae Chwarae Stesion – Pris wedi ei dderbyn o £1060 i wneud y gwaith i gyd – cytunwyd derbyn y pris hwn.

1962 (1) a 2138 - Adeiladau Cyhoeddus y Pentref – (gweler 2138) – Ymgynghoriad cyhoeddus yn mynd ymlaen ar y funud i gesio cael arian at y brosiect yma. Mae hefyd adroddiad gan bwyllgor y neuadd gyhoeddus. Cyfarfod nos Fawrth 15fed o Fehefin dros-lein – y Cadeirydd am yrru manylion i'r cynghorwyr.

2024 (4) Damweiniau ar ffordd A470/A4212 – Iwan ap Trefor o CG yn edrych ar y sefyllfa.

2068 (1) Deffibrilwr – Tomos o Calon y Dyffryn yn gobeithio cofrestru y deffibs erbyn mis nesaf.

2068 (2) Mynwent Pen Cefn – Cwyn swyddogol wedi ei dderbyn gan yr Ombwdsman ynglyn a gwrthod claddu person yn mynwent Pen Cefn. Cytunwyd derbyn y datrysiaid sydd yn cael ei gynnig gan yr Ombwdsman. Angen sefydlu polisi cwyno. Edrych mewn i fodelau gan Un Llais Cymru i wneud hyn ac adolygu rheolau y fynwent yn flynyddol. Cynnig trefnu cyfarfod arbennig ar gyfer y mater hwn. Cyfarfod i'w drefnu at 17th o Fawrth. Llythyr wedi ei ddrafftio fel ymddiheuriad drwy'r post i Dr Jones, i'w arwyddo gan yr is-gadeirydd, copi er gwybodaeth i'r Ombwdsmon. Is-bwyllgor i'w drefnu at 21 o Ebrill ym mynwent Pencefn am 6:30yh. Gallai trafodaeth ynglyn a prynnu mwy o dir ddatrys y broblem. Rheolau Llanuwchllyn am eu mabwysiadu – cysylltu a Lis Puw o Cyngor Llanuwchllyn i ofyn caniatad i'w mabwysiadu. Gofynion yr ombwdsmon – llythyr wedi ei yrru i Dr Jones.

2085 (3) Llys Ednowain – I'w gadw ar y cofnodion.

2085 (6) – Baw Cwn – I gael bin newydd byddai yn £4 y tro i'w wasanaethu. Cynnigwyd derbyn hyn. Y Cyngorydd Elfed Roberts am basio manylion Idwal Williams i drafod ymhellach y lleoliad yn Fron Galed.

2092 (4) – Parcio ger yr Ysgol – e-bost gan Dylan Wynn Jones o Gyngor Gwynedd yn nodi nad oes gan y Cyngor y pŵer i orfodi yn erbyn parcio ar y palmant a fod y pŵer hyn gyda'r heddlu. Yr heddlu wedi cynghori o'r blaen nad oes unrhyw beth allent wneud a mai Cyngor Gwynedd ddylai osod gwaharddiadau. Dylan wedi gofyn i'r uned barcio asesu y safle. Y Cyngorydd Elfed Roberts am basio y manylion i Iwan ap Trefor.

2092 (6) Llysiâu'r Dial (Japanese Knotweed) – Ail gysylltu Cyfoeth Naturiol. Yn tyfu yn Is Law'r Coed hefyd. Ymchwiliad i gefn Pen y Garreg a chefn Y Fron – gofyn beth yw y polisi ynglyn a eiddo preifat. Neb yn eiddo arno - Islaw'r Coed OS702373. Cyfoeth naturiol wedi nodi am Is Law'r Coed ond wedi ei gyfeirio ymhellach ynglyn a tir Pen y Garreg.

2099 (6) Marciau Gwyn – Cysylltu a Cyngor Gwynedd a gofyn iddynt fanylu ar faes parcio y feddygfa a Bryn Glas. I'w basio i Iwan ap Trefor.

2107 (2) Dalgylch Ysgolion – Y pwynt godwyd yn y dechrau oedd bod gorfodi plentyn fynd i ddalgylch wahanol ar ol gadael ysgol gynradd. Y Cyngorydd Anest Smith am edrych dros e-bost diwethaf Cyngor Gwynedd.

2107 (5) Biniâu y Pentref – i'w gweld wedi eu gwagio. CG am fonitro y sefyllfa.

2113 (1) Golau Stryd wrth y Toiledau Cyhoeddus – Y polion golau i fod yn adlewyrchu cefndir amaethyddol Traws hefo siap ffon bugail – mae Cyngor Gwynedd wedi newid y golau i un sydd yn hollol wahanol i'r goleuadau eraill sydd rwan ddim yr un fath ar lleill, mae wedi colli cymeriad beth wnaeth y Cyngor Cymuned ofyn a chytuno hefo CG flynyddoedd yn ol. Cafodd arian grant ei wario yn gwneud y sgwar a mae y golau newydd wedi mynd yn groes i bob dymuniad a gytunwyd ar flynyddoedd yn ol. Wedi ei basio at Cyngor Gwynedd.

2120 (3) Dwr yn llifo ar draws ffordd Penstryd a Pantglas – Cyngor Gwynedd yn nodi fod y gwaith wedi ei wneud ond nodwyd fod y ffordd bellach yn beryg yn dilyn y gwaith. Adrian Williams wedi adrodd y byddent yn asesu ac yn dod nol gyda eu sylwadau. Mwy o broblemau bellach a mae y bont angen gwaith. Y Cyngorydd Anest Smith am gasglu lluniau gyda sylwadau.

2126 (3) Biniâu Halen – Stryd Ardudwy a Stryd Ty Llwyd wedi eu ychwanegu at restr ail-flaenoriaeth graeanu. Y maes parcio wedi ei gyfeirio at yr adran barcio gan nad yw'r adran briffyrdd yn delio a meysydd parcio. Cwyno nad oedd gritter wedi bod heibio a fod trigolion ddim yn hapus fod Cyngor Gwynedd dal i gyfeirio bobol nol at y Cyngor Cymuned a fod Cyngor Trawsfynydd heb gytuno i gymud cyfrifoldeb dros graeanu. Cytunwyd gyrru e-bost i atgoffa CG. Y Cyngorydd Elfed Roberts am ei godi a Cyngor Gwynedd.

2128 (2) Cyffordd Maes Parcio – Drych wedi ei archebu – angen cadarnhau pwy sydd yn gyfrifol am y wal.

2150 (1) Stryd Gefn Bro Prysor - Mae yn glir ar y funud – i’w gadw o dan olwg.

2161 (1) – Ffens gyferbyn cae chwarae yr ysgol/cae Dolwen – wedi dod yn rhydd ar yn cylchau, angen slyw i’w gyfeirio at CG. Amanda Murray o CG yn edrych arno.

2161 (2) – Cae o dan Bryn y Gofeb a’r wal derfyn – bylchau yn y wal a peryg iddo ddymchwel. Dim pris wedi ei dderbyn.

2161 (3) - Llwybr beics o Cefngellgwm i Brongolau – Coed yn tyfu fwy erbyn hyn – angen sylw gan CG.

2161 (4) – Cof Golofn Hedd Wyn – Robert Williams am wneud y gwaith.

2161 (5) – Ffens Gardd Salem – gwaith wedi ei ddechrau – i’w gadw ar y cofnodion nes mae y gwaith wedi ei wneud.

2161 (6) – Arwydd llwybr cyhoeddus ffordd Tyn Coed – CG am edrych arno.

2161 (7) Ymgymwrwr heb dalu bil Pen Cefn – mae gan y Cyngor Cymuned hawl i fynd a’r mater yn bellach. Y Cyngorydd Annest Smith am lunio llythyr i’w yrru at yr ymgymwrwr.

2161 (8) – Llwybr o Stesion i Flaen Cwm – Elfed Jones am gysylltu a’r Parc Cenedlaethol

2161 (9) – Y Dref Werdd – Dim prisiau wedi eu derbyn yn ol. Atgoffa y contractwyr.

2161 (10) – Offer Hel Sbwriel – Sbwriel yn dechrau ail ymddangos. Bydd ymdrech arall yn y dyfodol.

2161 (11) – Peintio meinciau Bryn y Gofeb a gwneud gwaith atgyweirio - Pris wedi ei dderbyn o £1079 gan Alan Thomas – cytunwyd ei dderbyn.

2165 (1) Llys Dewi – Adrian Williams wedi edrych arno – am ei fod ar dir preifat bydd rhaid iddynt ofyn i’r perchennog i’w thorri. Mae am fonitro y sefyllfa.

2165 (2) Defaid Bryn Ysguboriau – Y Cyngorydd Dewi Williams am holi undebau ffermio am gyngor.

2169 – ADRODDIAD ARIANNOL

Cadarnhawyd a derbyniwyd yr adroddiad ariannol a gyflwynwyd gan y Swyddog Ariannol.

2170 – Gohebiaeth

Scottish Power – eisiau torri coed yn ymyl fynwent Pen Cefn – cytunwyd. Angen nodi fod angladd yno ar 14fed o Fehefin.

Cais Cynllunio – sied amaethyddol, Cae Coch.

2171 - Materion i'w Trafod ar y Pryd

Swydd y Clerc – swydd y clerc yn wag o mis Medi ymlaen.

Torri gwair o flaen Cof Golofn Hedd Wyn – Gareth Griffiths oedd yn gwirfoddoli o'r blaen wedi symud o'r pentref felly bydd angen cael rhywun arall i wneud unwaith y mis.

Gwydr wedi torri yn y maes parcio yn deillio o'r banc ailgylchu poteli. Y Cadeirydd am eu ysgubo.

2172 – Materion ar Gyfer y Cyfarfod Nesaf

Elfed Roberts – Dewi Lake yn ymddeol o fod yn brifathro yn Ysgol y Moelwyn.

Idwal Williams - Bysiau Cyhoeddus – gofyn am farn y gwasanaeth bysiau am ail-ddechrau rhedeg bysiau heibio Fron Galed.

CYFARFOD NESAF – 7 Gorffennaf 2021

Is-Bwyllgor Llwybrau – Ebrill, Gorffennaf, Hydref – Bryn y Gofeb 6:30yh